

阿毗達磨大毗婆沙論卷第五十四 真四

五 百 大 阿 羅 漢 等 造

唐 三 藏 法 師 玄 契 奉 詔 譯

結蘊第二中不善納息第一之九

有五補特伽羅謂隨信行隨法行信勝解見
真四
至身證乃至廣說問何故尊者此結蘊中依
五補特伽羅作論後智定蘊中依七補特伽
羅作論謂於此五加慧解脫及俱解脫答是
作論者意欲爾故乃至廣說復次此結蘊中
依有結者而作論故不說後二智定蘊中依

有智定者而作論故有結無結者俱應說之
復次此結蘊中依有煩惱者而作論故不說
後二智定蘊中依有智定者而作論故有煩
惱無煩惱者俱應說之復次此結蘊中以補
特伽羅爲章以煩惱爲門故不說後二智定
蘊中以補特伽羅爲章以智定爲門故亦說
後二是故此彼依五依七補特伽羅而造於
論云何隨信行補特伽羅謂有一類本來稟
性多信多愛多思多樂多隨順多勝解不好
思量觀察揀擇由彼稟性多信等故有時遇

佛或佛弟子爲說法要教授教誡廣爲開闡無常苦空無我等義彼作是念所爲我說無常苦空無我等義甚爲善哉欲令我修如是觀行我應無倒精勤修學彼勤修學無常苦空無我等觀既淳熟已漸次引起世第一法次復引生苦法智忍從此見道十五刹那一切皆名隨信行者此隨信行補特伽羅或是預流向或是一來向或是不還向謂若具縛或乃至斷五品結已入正性離生彼於見道十五心頃名預流向若斷六品或乃至斷八

品結已入正性離生彼於見道十五心頃名一來向若離欲染或乃至離無所有處染已入正性離生彼於見道十五心頃名不還向云何隨法行補特伽羅謂有一類本來稟性多思多量多觀察多擇好信愛思樂隨順及與勝解由彼稟性多思等故有時遇佛或佛弟子爲說法要教授教誡廣爲開闡無常苦空無我等義我應觀察爲實爲虛審觀察已知無顛倒復作是念甚爲善哉欲令我修

如是觀行我應無倒精勤修學所餘廣說如隨信行云何信勝解補特伽羅謂隨信行得道類智捨隨信行得信勝解問彼於爾時何所捨得答捨名得名捨道得道捨名者捨隨信行名得名者得信勝解名捨道者捨見道得道者得修道此信勝解補特伽羅或是預流果或是一來向或是不還向者捨見道得道者得修道此見至補特伽羅或是預流果乃至或是阿羅漢向如信勝解或應說其相云何身證補特伽羅謂信勝解或見至以身具證八解脫未以慧盡諸漏被捨信勝解或見至得身證問彼於爾時何所捨

名不還向若住不還果未勝進來名不還果若從此勝進名阿羅漢向云何見至補特伽羅謂隨法行得道類智捨隨法行得見至問彼於爾時何所捨得答捨名得名捨道得道捨名者捨隨法行名得名者得見至名捨道捨名者捨見道得道者得修道此見至補特伽羅或是預流果乃至或是阿羅漢向如信勝解或應說其相云何身證補特伽羅謂信勝解或見至以身具證八解脫未以慧盡諸漏被捨信勝解或見至得身證問彼於爾時何所捨

得外國諸師作如是說捨名得名捨道得道
捨名者捨信勝解或見至名得名者得身證
名捨道者捨信勝解或見至道得道者得身
證道迦濕彌羅國諸論師言此捨名得名非
捨道得道信勝解等得滅定時不捨不得無
漏道故云何慧解脫補特伽羅謂信勝解或
見至但以慧盡諸漏未以身具證八解脫彼
捨信勝解或見至得慧解脫問彼於爾時何
所捨得答捨名得名捨道得道捨名者捨信
勝解或見至名得名者得慧解脫名捨道者

捨修道得道者得無學道云何俱解脫補特
伽羅謂慧解脫或見至或身證以身具證八
解脫亦以慧盡諸漏彼捨慧解脫或見至或
身證得俱解脫若先得阿羅漢果後得滅定
彼捨慧解脫得俱解脫但捨名得名非捨道
得道如捨信勝解等得身證說若先得滅定
後得阿羅漢果彼捨身證得俱解脫捨名得
名捨道得道捨名者捨身證名得名者得俱
解脫名捨道者捨修道得道者得無學道若
諸菩薩證得無上正等菩提彼盡智時捨見

至得俱解脫捨名得名捨道得道捨名者捨
見至名菩薩修位名見至故得名者得俱解
脫名諸佛皆是俱解脫故捨道者捨修道得
道者得無學道西方師說菩薩學位先起滅
真四
定後得菩提彼捨身證得俱解脫迦濕彌羅
國諸論師言三十四念得菩提故菩薩學位
未起滅定故盡智時定捨見至得俱解脫必
無鈍根未得滅定得盡智時成俱解脫故無
捨信勝解得俱解脫者問何故名俱解脫答
障有二分一煩惱障二解脫障於二分障心

解脫故名俱解脫問若先得阿羅漢果後得
滅定者彼於解脫障何等心解脫有漏耶無
漏耶有說有漏以無漏心得盡智時已解脫
故評曰應作是說有漏無漏俱得解脫所以
者何解脫有二種一者行世解脫二者在身
解脫彼未得滅定時入出定心不得行世不
行世故不得在身若得滅定入出定心行世
在身故名解脫是故有漏無漏二心俱得解
脫如俱解脫依義立名前五立名亦應依義
問何故名隨信行答由彼依信隨信行故名

隨信行謂依有漏信隨無漏信行依有縛信隨解脫信行依有繫信隨離繫信行由信爲先得入聖道如是種類補特伽羅從本以來性多信故若聞他勸汝應務農以自存活彼不思察我爲應作爲不應作我爲能作爲不能作爲有宜便爲無宜便聞已便作或聞他

真四

五

勸汝應商估或應事王或應習學書算印等種種技藝以自存活亦不思察廣說乃至聞已便作或聞他勸住阿練若亦不思察我爲應住爲不應住我爲能住爲不能住爲有宜便爲無宜便聞已便住彼漸次修聖道加行

戒不能持戒爲有宜便爲無宜便聞他勸已即使出家旣出家已若聞他勸汝應誦習彼不思察爲應誦習不應誦習爲能誦習不能誦習爲有宜便爲無宜便爲素怛纜爲毗奈耶爲阿跋達磨聞他勸已即使誦習或聞他勸營理僧事亦不思察我爲應作爲不應作我爲能作爲不能作爲有宜便爲無宜便聞已便作或聞他勸住阿練若亦不思察我爲應住爲不應住我爲能住爲不能住爲有宜便爲無宜便聞已便住彼漸次修聖道加行

展轉引起世第一法無間引生苦法智忍從此見道十五剎
此見道十五剎那名隨信行問何故名隨法
行答由彼依法隨法行故名隨法行謂依有
漏法隨無漏法行依有縛法隨解脫法行依
有繫法隨離繫法行由慧爲先得入聖道如
是種類補特伽羅從本以來性多慧故若聞
他勸汝應務農以自存活彼便思察我爲應
作爲不應作我爲能作爲不能作爲有宜便
爲無宜便審思察已然後作之餘廣如前隨
信行說彼漸次修聖道加行展轉引起世第

一法無間引生苦法智忍從此見道十五剎
那名隨法行問隨信行者如有爾所信亦有
爾所慧隨法行者如有爾所慧亦有爾所信
何故一名隨信行一名隨法行耶答或但信
他展轉修行而入聖道或自思察展轉修行
而入聖道若但信他展轉修行入聖道者名隨
信行若自思察展轉修行入聖道者名隨
真四法行復次或由因力加行力不放逸力皆不
廣大而入聖道或由三力皆悉廣大而入聖
道若由三力皆不廣大入聖道者名隨信行

若由三力皆悉廣大入聖道者名隨法行復次或由止行而入聖道或由觀行而入聖道若由止行入聖道者名隨信行若由觀行入聖道者名隨法行復次或樂奢摩他或樂毗盞舍那樂奢摩他者名隨信行樂毗盞舍那名隨法行如樂喜欲亦爾復次或由止爲先而入聖道或由觀爲先而入聖道若由止爲先入聖道者名隨信行若由觀爲先入聖道者名隨法行復次或有奢摩他增或有毗鉢舍那增奢摩他增者名隨信行毗鉢舍那增

者名隨法行復次或由止熏心依觀得解脫或由觀熏心依止得解脫若由止熏心依觀得解脫者名隨信行若由觀熏心依止得解脫者名隨法行復次或有鈍根或有利根若鈍根者名隨信行若利根者名隨法行復次或有說智或有開智有說智者名隨信行有開智者名隨法行復次或由緣力而入聖道或由因力而入聖道若由緣力入聖道者名隨信行若由因力入聖道者名隨法行復次或得增上心奢摩他非增上慧毗鉢舍那或

真四

七

得增上慧毗鉢舍那非增上心奢摩他前名
隨信行後名隨法行復次如世尊說二因二
緣能生正見一外聞他法音二內如理作意
若外聞他法音多者名隨信行若內如理作
意多者名隨法行復次如契經說人有四法
多有所作一親近善士二聽聞正法三如理
作意四法隨法行若親近善士聽聞正法多
者名隨信行若如理作意法隨法行多者名
隨法行復次或有多住無貪善根或多住
無癡善根多住無貪善根者名隨信行多住

無癡善根者名隨法行復次或有外信有情
或有內思正法外信有情者名隨信行內思
正法者名隨法行問何故名信勝解答由彼
依信得信勝解故名信勝解謂依見道所攝
信得修道所攝信勝解依向道所攝信得果
道所攝信勝解復次由彼補特伽羅以信爲
先心脫三結是故名信勝解問何故名見至
答由彼依見得至於見故名見至謂依見道
所攝見得至修道所攝見依向道所攝見得
至果道所攝見復次由彼補特伽羅以見爲

先心脫三結是故名見至問信勝解亦應名
信至見至亦應名見勝解何故一名信勝解
一名見至耶答如信勝解名信勝解見至亦
應名見勝解真四如見至名見至信勝解亦應名
信至而不爾者欲現異相異門說法令諸智
者愛樂受持不相雜亂問何故名身證答由
彼以身證八解脫未以慧盡諸漏故名身證
問何故名慧解脫答由彼以慧盡諸漏未以
身證八解脫故名慧解脫俱解脫名如前已
釋問如見道中依利鈍別建立二種補特伽

羅謂隨信行及隨法行修道中亦依利鈍別
建立二種補特伽羅謂信勝解及見至何故
無學道中不依利鈍別建立二種補特伽羅
而總說一或慧解脫或俱解脫耶答欲界乃至
無所有處或有漏道爲斷對治或無漏道
爲斷對治若非想非非想處唯無漏道爲斷
對治故總立一補特伽羅復次前位或多貪
多行者或有不者若離非想非非想處染時
身等無貪故總立一補特伽羅復次前位或
有癡多行者或有不者若離非想非非想處

染時身等無癡故總立一補特伽羅復次前
位或有慢多行者或有不者若離非想非非
想處染時身等無慢故總立一補特伽羅復
次以無學位解脫平等故總立一補特伽羅
真四九
如契經說如來解脫與阿羅漢茲勿解脫等
無差別復次以無學位同前三界煩惱重髻
同截有頂煩惱頭首同越三界後有關津同
棄三界所有愛欲故總立一補特伽羅有作
是說無學位中亦有二種補特伽羅謂時解
脫不時解脫問若爾唯應建立二種補特伽

羅謂鈍及利或應立六補特伽羅謂見修無
學位各有二種即隨信行乃至第六不時解
脫如何立七補特伽羅答由五緣故建立七
種一由加行故二由根故三由定故四由解
脫故五由定及解脫故由加行故者謂隨信
行及隨法行由根故者謂信勝解及見至由
定故者謂身證由解脫故者謂慧解脫由定
及解脫故者謂俱解脫隨信行者或應說一
謂七種中名隨信行或應說三謂由根故即
下中上或應說五謂由種性故即退法乃至

堪達或應說十五謂由道故即苦法智忍乃至道類智忍位或應說七十三謂由離染故即欲界具縛離一品乃至九品染爲十離初靜慮一品乃至九品染爲九欲界第十即初靜慮具縛者故不別說後類應知乃至離無所有處一品乃至九品染爲九合七十三或應說六百五十七謂由所依故即三洲六欲天所依各有前說七十三種若以根種姓道離染所依二合三合四合五合其數增長如理應思若以在身刹那分折應說無量隨信

行者此中總說一隨信行如隨信行數隨法行亦爾根道離染所依等故唯種性別以隨法行唯是不動種性攝故信勝解者或應說一謂七種中名信勝解或應說三謂由根故或應說五謂由種性故或應說八十一謂由離染故即欲界具縛離一品乃至九品染爲十離初靜慮乃至無所有處各一品乃至九品染爲六十三離非想非非想處一品乃至八品染爲八合八十一有說離染故應說八十二謂前說八十一加離有頂第九品染無

真四

+

間道時或應說四百五謂由所依故即欲界所依有八十一初靜慮所依有七十二第二靜慮所依有六十三第三靜慮所依有五十四第四靜慮所依有四十五空無邊處所依有三十六識無邊處所依有二十七無所有處所依有十八非想非非想處所依有九謂彼具縛及離一品乃至八品染爲九離第九品無間道時爲彼第十此依九地所依分別若依二十九處所依分別其數多少如理應思以根種性離染所依二三四合數更增廣若以在五有說此應說四百一十四謂欲界所依有八十二初靜慮所依有七十三第二靜慮所依有六十四第三靜慮所依有五十五第四

靜慮所依有四十六空無邊處所依有三十七識無邊處所依有二十八無所有處所依有十九非想非非想處所依有十謂彼具縛及離一品乃至八品染爲九離第九品無間道時爲彼第十此依九地所依分別若依二十九處所依分別其數多少如理應思以根種性離染所依二三四合數更增廣若以在身剎那分析應說無量信勝解者此中總說一信勝解如信勝解見至亦爾根及離染所依等故惟種性別以諸見至唯是不動種性

攝故身證者或應說一謂七種中名身證或應說三謂由根故或應說六謂由種性故即退法乃至不動法或應說九謂由離染故即非想非非想處具縛及離一品乃至八品染爲九復有說者此應說十謂即前九加離第九無間道時爲彼第十或應說二十七謂由所依故欲界所依有九色界所依有九無色界所依有九此唯非想非非想處非三無色得滅定者不生彼故有說此應說三十謂三界各加第九無間道時此依三界所依分別

若依地處所依分別其數多少如理應思以根種性離染所依二三四合數更增廣若以在身剎那分折有無量身證者此中總說爲一身證慧解脫者或應說一謂七種中名慧解脫或應說三謂由根故或應說六謂由種性故或應說九謂由所依故即欲界乃至非想非非想處所依此依九地所依分別若依二十九處所依分別成二十九若以根種性所依二三合數如理應思若以在身剎那分析即有無量慧解脫者此中總說一慧解脫

如慧解脫數俱解脫亦爾有差別者謂彼所依以俱解脫不在下三無色處故此五補特伽羅於三結乃至九十八隨眠幾成就幾不成就此中尊者以補特伽羅爲章以諸煩惱爲門故作斯問答隨信行於三結苦類智未已生皆成就苦類智已生二成就十二一不成就二成就者謂戒禁取疑彼通三界二四部故一不成就者謂薩迦耶見彼惟通三界見苦所斷故於三不善根未離欲染皆成就已離欲染二成就二不成就二成就者謂戒禁取此實執身繫二不成就者謂貪欲瞋恚身繫於五蓋未離欲染道法智未已生皆成就道

染者彼異生位先已離故後准應知於三漏未離欲染皆成就已離欲染二成就一不成就二成就者謂有漏無明漏一不成就者謂欲漏於四暴流軛取未離欲染皆成就已離欲染三成就一不成就三成就者謂有見無明暴流軛見戒禁我語取一不成就者謂欲暴流軛取於四身繫未離欲染皆成就已離欲染二成就二不成就二成就者謂戒禁取此實執身繫二不成就者謂貪欲瞋恚身繫於五蓋未離欲染道法智未已生皆成就道

法智已生四成就一不成就已離欲染皆不
成就五蓋惟是欲界繫故四成就者謂前四
蓋一不成就者謂疑蓋道法智已生彼已斷
故於五結未離欲染皆成就已離欲染二成
就三不成就二成就者謂貪慢結通三界繫
集四十三
故三不成就者謂瞋嫉慳結惟欲界繫故於
五順下分結未離欲染苦類智已生皆成
就三成就者謂後三二不成就者謂初二於
六愛身未離欲染皆成就已離欲染未離梵
世染四成就二不成就四成就者謂初後各
二二不成就者謂鼻舌觸所生愛身已離梵

者謂後三二不成就者謂初二苦類智已生
二成就三不成就二成就者謂後二三不成
就者謂初三於五順上分結未離色染皆成
就已離色染四成就一不成就四成就者謂
除色貪一不成就者謂色貪於五見苦類智
未已生皆成就苦類智已生三成就二不成
就三成就者謂後三二不成就者謂初二於
六愛身未離欲染皆成就已離欲染未離梵
世染四成就二不成就四成就者謂初後各
二二不成就者謂鼻舌觸所生愛身已離梵

世染一成就五不成就一成就者謂第六五
不成就者謂前五於七隨眠未離欲染皆成
就已離欲染五成就二不成就五成就者謂
有貪等五二不成就者謂欲貪瞋恚於九結
未離欲染皆成就已離欲染六成就三不成
就六成就者謂愛等六三不成就者謂恚嫉
墜於九十八隨眠未離欲染苦法智未已生
皆成就者謂具縛者苦法智忍時一切隨眠
無不成就餘廣說如本論問何故不說道類
智已生耶答彼若已生非隨信行是故不說

如隨信行隨法行亦爾此二地道離染所依
若定若生無不皆等惟根有異謂鈍根者名
隨信行利根者名隨法行故信勝解於三結
皆不成就彼惟見所斷故於三不善根未離
欲染皆成就已離欲染皆不成就彼惟欲界
繫故未離欲染者謂預流果一來向一來果
不還向已離欲染者謂不還果阿羅漢向彼
共四或異生位已離欲染或至聖位方離欲染後
准應知於三漏未離欲染皆成就已離欲染
二成就一不成就二成就者謂有漏無明漏

一不成就者謂欲漏於四暴流軛未離欲染三成就一不成就三成就者謂欲有無明暴流軛一不成就者謂見暴流軛已離欲染二成就二不成就二成就者謂有無明暴流軛二不成就者謂欲見暴流軛於四取未離欲染二成就二不成就二成就者謂欲我語取二不成就者謂見戒禁取已離欲染一成就三不成就者謂見戒禁取已離欲染二成就三不成就一成就者謂後一三不成就者謂前三於四身繫未離欲染二成就二不成就二成就者謂前二已離欲染皆不成就前二欲界繫後三見所斷故於五順上分結未離色染皆成就已離色

欲染皆不成就前二惟欲界繫後二惟見所斷故於五蓋未離欲染四成就一不成就四成就者謂前四一不成就者謂後一已離欲染皆不成就前四後一皆欲界繫故於五結未離欲染皆成就已離欲染二成就三不成就二成就者謂貪慢結三不成就者謂瞋嫉慳於五順下分結未離欲染二成就三不成就二成就者謂貪慢結三不成就者謂瞋嫉慳於五順下分結未離欲染二成就三不成就二成就者謂前二三不成就者謂後三已離欲染皆不成就前二欲界繫後三見所斷故於五順上分結未離色染皆成就已離色

真四

十五

深四成就一不成就四成就者謂除色貪一
不成就者謂色貪於五見皆不成就彼惟見
所斷故於六愛身未離欲染皆成就已離欲
染未離梵世染四成就二不成就四成就者
謂初後各二二不成就者謂中間二已離梵
世染一成就五不成就一成就者謂後一五
不成就者謂前五於七隨眠未離欲染五成
就二不成就五成就者謂欲貪瞋恚有貪慢
無明二不成就者謂見疑已離欲染三成就
四不成就三成就者謂有貪慢無明四不成

就者謂餘四於九結未離欲染六成就三不
成就六成就者謂愛恚慢無明嫉慳結三不
成就者謂見取疑結已離欲染三成就六不
成就三成就者謂愛慢無明六不成就者謂
餘六於九十八隨眠未離欲染十成就八十八
不成就十成就者謂三界修所斷八十八
不成就者謂三界見所斷已離欲染未離色
染六成就九十二不成就六成就者謂色無
色界修所斷九十二不成就者謂三界見所
斷及欲界修所斷已離色染三成就九十五

不成就三成就者謂無色界修所斷九十五
不成就者謂三界見所斷及欲色界修所斷
如信勝解見至亦爾此二地道離染所依若
定若生無不皆等惟根有異謂鈍根者名信
真四勝解利根者名見至故身證於三結三不善
十六根皆不成就以三結惟見所斷故三不善根
惟欲界繫故身證必已離三界見所斷及下
八地修所斷故於三漏二成就一不成就二
成就者謂有無明漏一不成就者謂欲漏於
四暴流軛二成就二不成就二成就者謂有

無明二不成就者謂欲見於四取一成就三
不成就一成就者謂我語取三不成就者謂
餘三取於四身繫及五蓋皆不成就前二身
繫及五蓋惟欲界繫故後二身繫惟見所斷
故於五結二成就三不成就二成就者謂貪
慢結三不成就者謂瞋嫉慳結於五順下分
結皆不成就前二惟欲界繫後三惟見所斷
故於五順上分結四成就一不成就一不成
就者謂色貪四成就者謂餘四於五見皆不
成就於見所斷久已離故於六愛身一成就

五不成就一成就者謂第六五不成就者謂前五於七隨眠三成就四不成就三成就者謂有貪慢無明四不成就者謂餘四於九結三成就六不成就三成就者謂愛慢無明六不成就者謂餘六於九十八隨眠三成就九十五不成就三成就者謂無色界修所斷九十五不成就者謂三界見所斷及欲色界修所斷問頗有聖者成就九十八隨眠耶答有所謂具縛者入正性離生住苦法智忍時間頗有聖者已斷八十八隨眠未斷十隨眠而未

真四

十七

得果耶答有謂已離色染入正性離生住滅類智時彼欲界三十六隨眠色界三十一隨眠無色界見苦集滅所斷二十一隨眠已斷未斷無色界見道所斷七及修所斷三隨眠而未得果住向道故問頗有已斷九十八隨眠而未得阿羅漢果耶答有謂已離無所有處染未離非想非非想處染彼已斷欲界三十六隨眠色界三十一隨眠下三無色三十一隨眠而未得阿羅漢果彼或是異生或是不還者故評曰彼不應作是說九十八隨眠

依界建立不依地故由此彼問應答言無

阿毗達磨大毗婆沙論卷第五十四

說一切有部發智

音釋

素怛纊梵語此云修多羅亦云契經繩盧職切阿練若也

云開靜處若爾者切